



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

DVI. Margaretha Henninges stiftet in der Katharinenkirche zu Salzwedel das feierliche Begängniß des Margarethenthages, am 5. October 1489.

Nutzungsbedingungen

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vnse borgere, mit willen vnd vulborde katherinen, syner eliken huffrowen, recht vnd redeliken bescheyden vnd vorlaten heft — eyne wifk, dede liit by deme olden dike tho walstaue, mit aller nut vnd vrucht, mit aller vriheyd, thobehoringhen vnd gherechtigheid, Alffe he de bet an dusse Jegenwardighe tyd rowlikenn vnd vrede sam erfliken beseten vnd alle Jarlikes wonnen vnd ghebruket heft, In aller maten, szo omm de de van deme knesebeke tho tylffen vrbreuet, besegelt vnd to eruen vorkofft hebben, heren Joachim bock vnde Hoyger wittekop, varstendere vnser leue vrowen tiide In vnser der olden stad, vnd eren nachkamen, to der gnanten tijde behoff, Szo bescheyden, dat de varbenomden Henningk vnd katerina sodan gnante wifk bruken vnd neten schollen de tijd erer twiger leuende. Dar to schollen en de varbenomeden varstendere effte ere nachkamen alle Jarlikes geuen vnd an ere hufs bringhen laten achte schepel rogghen lijfgedinges, de tijd Erer twier leuende. Szo denne de varbenomde Henningk an der varbenomeden wifck eyne mark penninghe Jarliger renten den varstenderen vnser leuen frowen kerken vor twintich mark penninge houet stoles vorefat heft, de schullen de varbenomeden varstendere der tijde vnd ere nachkamen alle Jarlikes gelden vnd rechte maken, szo langhe dat sze de vrighen vnd loszen moghen. Szo ock de varbenomeden van deme knesebeke sick an der varbenomeden wifck vppe alle sunte wolborgen dach eyne mark penninge Jarliger renten vnd tinsen beholden hebben, de schollen de suluen varstendere der tijde deme van deme knesebeke alle Jarlikes vppe varbenomede tijd entrichten vnd gelden vnd des den varbenomeden Henningk vnd katerinen, syner huffrowen de tijd eres leuendes schadelofs vnd sunner maninge holden. Wan auerst de sulften Henningk vnd katerina dodeshaluen vorvallen synt, denne schal sodan genante wifck mit aller nut vnd vrucht, vriheid vnd gherechtigheid mit den varbenomeden achte schepel rogghen Jarlikes pachtens lijfgedinges den varbenomeden varstenderen vnd eren nachkamen tho eygendome, quid, leddich vnd losf synt. To orkunde hebben wy vnser oldenstad Ingesegel williken hanghen heten an dussen bress, Na cristi vnser heren ghebord verteynhundert Jar, dar na Imm neghen vnd achtentigsten Jare, ame Dinsdage na deme sondage Exaudi vor pingesten.

Nach dem Originale des Salzwedeler Archives XXVI, 12.

DVI. Margaretha Henninges stiftet in der Katharinenkirche zu Salzwedel das feierliche Begängniß des Margarethentages, am 5. October 1489.

Wi diderick allinxstede, hans rodense, ludtke Holttorp, Otto sintzelbergh, herme listen, hans werckmester, Jacob aleman, hans besendal, Clawes molre, hans munter, diderick mechow, Cord woleman, herme chuden, hans meryn. Hoyger wittekop, kersten hinrikes vnd diderick brewitze, Radmanne to Soltwedel, bekennen — dat vor vns ys geweszen Jacob aleman vnd Hans guffeuelde, vorstender der kerken sanete katherine, vnd hebben gewilkorth vor sick vnd oren nakameren vorstenderen der suluen kercken, wilkoren ock yn crafft vnd macht dusses breues, to holdende to ewygen tiden van den renten der suluen kerken to drepende Sunte margarete festum, myth deme kerckheren, myth den Cappellanen vnd myt der gantzen processien, deme kerckheren

vnd beiden Cappellanen, eynem jewelken eyne schillingh penninge vnd deme scholemestere dre schillinge, deme groten koster vyrtelyn penninge vnd deme vnderkoster vyr penninge, vor dre vndtwintigste haluen marck penninge soltwedelscher werynge, de ohm margarete, des zeligen Arent Henninges nagelaten wedewe, wol to dancke vornoget, entrichtet hefft. Dusses to forder kantnisse hebben wy vnse der nigenstadt Ingefegel hangen heten nedden ahn desseme breff, de gegeuen is na cristi vnser heren geborth vyrtelyn hunderth Jare, dar na in deme negen vndachtigsten Jare, des mandages na michelis.

Nach dem Originale des Salz. Archives XXXII, 51.

DVII. Der Rath zu Salzwedel befundet, daß Dieterich Liremann den Gildemeistern der Gilde u. L. Frauen eine Rente von seinem Hause verkauft hat, am 4. Dezember 1489.

Wy Diderick alingstede, Hans Rodense, Ludthe holtorpe, Otto vintzelbergh, Herme listen, Hans werckmester, Jacob Aleman, Hans Befendal, Clawes meke, Hans munter, Diderick mechow, Cordt woleman, Herme chuden, Hans merrin, Hoyer wittelkop, kersten hinrickes, Diderick Brewitze, Radtmanne to Soltwedel, bekennen — Dat — vnnse medeborger Didirick lireman — hefft vorkofft — vpp vnd ahn synem huse, in der wullenweuer straten by hans bynden huse belegen, eyne marck penn. soltw. wer. jarliker rente Den vorsichtigen kersten hinrickes, Hinrick Rytleuen, Jacob schulten vnde hans schulten, Gildemestern vnser liuen frowen gilden, vnde oren nakomelingen vor twyntich marck penn. der vpgenanten weringe —. Doch so hefft Didirick lireman, vogenant, vor sick offte synes huses besittere beholden den wedderkop etc. — Na Cristi vnser heren geborth vierteynhundert jar, darna in dem negen vnde achtigsten Jare, Amm middeweeken post Andree.

Nach dem Originale des Salz. Archives XIII, 9.

DVIII. Verschiedene Ordnungen des Propstes Werner von Bortfelde für das Dorf Perwer bei Salzwedel, von den Jahren 1489—1505.

Item notandum, quod anno domini 1489 feria secunda post Simonis et Iude apostolorum per venerabilem patrem ac Dominum Wernherum de Bortfelde, huius monasterii prepositum modernum, iudicialiter in domo Schulteti nostri Perwerensis in iudicio publice coram omnibus villanis nostre ville Perwer est decretum atque institutum siue prohibitum, quod et a quocunque suorum subditorum voluit in posterum inuolabiliter observari, videlicet quod nullus per amplius in futurum in collacionibus post iudicia peracta alterum cogat aut cogi faciat cum cerevisia ad biben-